

RF - Intesa Sanpaolo Bank BiH

Država:

Bosna i Hercegovina

Broj Projekta:

52295

Poslovni sektor:

Finansijske institucije

Vrsta obavijesti:

Privatna

Okolinska kategorija:

FI

Datum odobrenja:

21 Jul 2020

Status:

Odobren

Datum objave PSD-a na engleskom jeziku:

11. 08. 2020.

Kao što dopušta stavka 2.6. Odjeljka III Politike pristupa informacijama, objavljivanje ovog PSD-a odgođeno je u skladu sa stavkom 1.4.4 Direktive o pristupu informacijama

Opis Projekta

Ovaj projekt odobren je kao dio odgovora Banke na Covid-19 pandemiju. Kako ne bi došlo do kašnjenja u isporuci ovog projekta, predsjednik Banke odobrio je odstupanje od uobičajenih rokova za objavljivanje PSD-a, kako je predviđeno Odjeljkom V Direktive o pristupu informacijama. Pojediniosti o odgovoru Banke na Covid-19 i ovo odstupanje mogu se pronaći na našoj web stranici.

Davanje zajma Intesa Sanpaolo Banci d.d. Bosna i Hercegovina ("Kompanija" ili "ISP") u vrijednosti do 15 milijuna eura u okviru EBRD-ovog Okvira Otpornosti ("RF") uspostavljenog kao odgovor na ekonomske izazove nastale zbog COVID-19 pandemije.

Ciljevi Projekta

Sredstva investicije Banke će biti upotrijebljena za davanje podzajmova kvalifikovanim zajmoprimcima koji ispunjavaju uvjete u skladu s politikama i ciljevima programa.

Tranzicijski uticaj

ETI ocjena: 70

Projekt će pridonijeti osiguravanju otpornosti i očuvanju konkurencije u finansijskom sektoru u BiH.

Otpornost (Primarna kvaliteta): Projekt će pomoći ISP BiH da ostane aktivan i učinkovit tržišni igrač uslijed pandemije Covid-19

Konkurentnost (Sekundarna kvaliteta): Projekt će omogućiti ISP BiH da nastavi komercijalno kreditiranje u skladu s usporedivim sudionicima bankarskog sektora

Podaci o klijentu

INTESA SANPAOLO BANKA DD BOSNA I HERCEGOVINA

ISP BiH je treća po veličini banka u Bosni i Hercegovini sa imovinom od EUR 1,193.5m i učešćem na tržištu od 7.2% prema ukupnoj imovini, 8.0% prema kreditima i 7.0% prema depozitima na dan 31.12. 2019. Banka ima sjedište u Sarajevu i pruža usluge na cijeloj teritoriji Bosne i Hercegovine preko elektronskih usluga i mreže 48 poslovnica. Na kraju 2019. Banka je imala 556 uposlenika.

EBRD Finansiranje

EUR 15,000,000.00

Ukupni troškovi Projekta

EUR 15,000,000.00

Dodana vrijednost

Covid-19 odgovor na krizu omogućava ISP BiH da odgovori na potrebe za likvidnošću svojih klijenata koji imaju pad aktivnosti, prometa i profitabilnosti što dovodi do kašnjenja plaćanja i problema s likvidnošću za čitavu ekonomiju

Okolinski i socijalni sažetak

Kategorizirano FI (2019 ESP). ISP BiH je postojeći klijent i Banci je dostavio zadovoljavajući Godišnji izvještaj o okolišu i društvenom stanju za 2019. Postojeći portfolio uključuje industrijske sektore za koje se smatra da su srednje visokog E&S rizika, a klijent ima uspostavljen ESMS da procijeni i prati ove rizike. Od ISP BiH se traži nastavak pridržavanja sa PZ 2,4 & 9, implementacija EBRD-ovih procedura upravljanja okolišem i socijalnim rizikom za korporativne, SME i mikro zajmove uključujući usklađenost sa proširenom EBRD listom E&S izuzeća i Listom preporuka uvedenom uz ESP 2019 kao i podnošenje godišnjih izvještaja o Okolišu i socijalnoj politici Banci. Zajmoprimci koji se finansiraju putem ISP BiH zajmova će se morati pridržavati nacionalnih zahtjeva za okoliš, zdravlje, zaštitu i sigurnosti na radu (EHSL).

Tehnička saradnja i grant finansiranje

Ne.

Kontakt podaci kompanije

Murat Cengic
murat.cengic@intesasanpaolobanka.ba
+387 33 49 77 11
+387 33 49 78 18
www.intesasanpaolobanka.ba
Obala Kulina bana 9a 71000 Sarajevo Bosna i Hercegovina

PSD datum zadnjeg ažuriranja

11. 08. 2020.

Razumijevanje tranzicije

Dalje informacije koje se odnose na pristup EBRD-a mjerenju uticaja tranzicije dostupne su [ovdje](#).

Poslovna saradnja

Za poslovnu saradnju ili nabavke obratite se klijentu.

Za poslovnu saradnju s EBRD-om (koja nije vezana za nabavke) kontaktirajte:

Tel.: +44 20 7338 7168

E-mail: projectenquiries@ebrd.com

Za projekte u državnom sektoru posjetite [EBRD nabavke](#): Tel.: +44 20 7338 6794

Email: procurement@ebrd.com

Opće informacije

Posebni upiti mogu se postaviti korištenjem [Obrasca EBRD-a za upite](#).

Okolišna i socijalna politika (OSP)

[OSP](#) i povezani Traženi učinci (TU) definišu način na koji EBRD provodi preuzetu obavezu promovisanja „okolišno prihvatljivog i održivog razvoja“. OSP i TU sadrže specifične odredbe koje se odnose na klijente, kako bi klijenti mogli poštovati odredbe domaćih zakona o javnom informisanju i konsultacijama, kao i uspostaviti mehanizam za ulaganje žalbi i omogućiti rješavanje problema i žalbi zainteresovanih strana, naročito onih koje se odnose na učinak klijenta i projekta u smislu zaštite okoliša i društva. Srazmjerno prirodi i veličini rizika i uticaja koje projekt može imati na okoliš i društvo, EBRD dodatno zahtijeva od svojih klijenata da objavljuju informacije, kada je to prikladno, o rizicima i uticaju projekta ili da provedu svrsishodne konsultacije sa zainteresovanim stranama i razmotre i odgovore na povratne informacije koje dobiju.

Više informacija o ovim praksama EBRD-a dano je u [OSP-u](#).

Integritet i usklađenost

Ured Glavnog službenika EBRD-a za usklađenost (UGSU) promoviše dobro upravljanje i osigurava primjenu najviših standarda na sve aktivnosti Banke u skladu s najboljom međunarodnom praksom. Banka provodi dubinsku analizu integriteta svih klijenata kako bi osigurala da projekti ne predstavljaju neprihvatljiv rizik po integritet ili ugled Banke. Banka smatra da se prepoznavanje i rješavanje problema u fazi odobravanja tokom ocjene projekta na najučinkovitiji način osigurava integritet transakcija Banke. UGSU ima ključnu ulogu u ovakvim zaštitnim mjerama i takođe pomaže u praćenju rizika po integritet u okviru projekata nakon ulaganja.

UGSU je takođe odgovoran za provođenje istrage u slučajevima navodne prevare, korupcije ili prestupa u projektima koje finansira EBRD. Svako lice, bilo dio Banke ili ne, koje sumnja u postojanje prevare ili korupcije, treba dostaviti pismenu prijavu Glavnom službeniku EBRD-a za usklađenost putem e-maila, na adresu compliance@ebrd.com. UGSU obrađuje sve prijave kako bi mogao pratiti dalji razvoj događaja. Analiziraju se sve prijave, uključujući i one anonimne. Prijave mogu biti podnesene na bilo kojem jeziku Banke ili jezicima zemalja u kojima Banka posluje. Informacije moraju biti dane u dobroj namjeri.

Politika pristupa informacijama (PPI)

PPI definiše način na koji EBRD objavljuje informacije i obavlja konsultacije sa zainteresovanim stranama kako bi promovisao bolju informisanost i razumijevanje svojih strategija, politika i operacija nakon stupanja na snagu PPI-ja 1.1.2020. Molimo vas da pratite poveznicu sa stranice EBRD-a i posjetite stranicu [Politika pristupa informacijama](#) kako biste saznali koje informacije su dostupne.

Posebni upiti mogu se postaviti korištenjem [Obrasca EBRD-a za upite](#).

Mehanizam za podnošenje žalbi u vezi s projektom (PŽM)

Ako su nastojanja da se riješe problemi koji se odnose na zaštitu okoliša, društvo ili javno objavljivanje informacija s Klijentom ili Bankom neuspješna (npr. kroz mehanizam rješavanja problema na nivou Projekta Klijenta ili u direktnom postupanju s upravom Banke), pojedinci i organizacije mogu riješiti svoje probleme putem mehanizma odgovornosti EBRD-a.

Mehanizam odgovornosti podrazumijeva nezavisne analize Projektnih pitanja za koja se smatra da su prouzrokovala (ili će vjerovatno prouzrokovati) štetu. Svrha mehanizma je: podržati dijalog između zainteresovanih strana u Projektu s ciljem rješavanja problema koji se odnose na zaštitu okoliša, društvo i javno objavljivanje informacija; utvrditi je li Banka poštovala svoju [Okolišnu i socijalnu politiku](#) ili odredbe svoje [Politika pristupa informacijama](#); i kada je to primjenjivo, riješiti sve postojeće slučajeve neusklađenosti s tim politikama, uz istovremeno nastojanje da se spriječe budući slučajevi nepoštovanja odredbi od strane Banke.

Molimo vas da posjetite našu internet stranicu kako biste saznali kako podnijeti žalbu putem [povjerljivog elektronskog obrasca](#), putem [e-maila](#), [pošte ili telefona](#). Stojimo na raspolaganju za razgovor i odgovore na pitanjima koja imate o podnošenju ili obradi žalbi. Identitet ulagatelja žalbe može biti zaštićen na zahtjev.

Napominjemo da će nakon imenovanja novog rukovoditelja mehanizma u 2020., revidirana [Politika projektne odgovornosti](#) i [Smjernice](#) postati efektivne za rješavanje slučajeva.